

帝以其舊將欲令強起領郡事乃夜詔謂曰賊迫近
師但得將軍威重卧以鎮之足矣丹不取辭乃力疾拜
命將營到郡十餘日薨于尚嗣封余吾侯尚卒于苞嗣
苞卒于臨嗣無子國絕永初七年鄧太后詔封苞弟遽
為監亭侯

劉翽 前志翽萬年人少警穎官建州歷陟通顯歲得俸
祿悉以分遺宗親家無留藏事義心仁以陰德為先故
翽所至人則曰活我劉公至也破賊裨將欲屠城不許
但除首惡餘皆全活河西有溺于之風嚴其禁及解任
所活數千後以開國致仕于孫繁衍歲時致祭祠下三

卷七

三

四百人孫領收峒寇有功謚忠簡孫純收邵寇賜廟封
忠烈從孫韜謚忠顯于子羽謚忠定于羽子琪謚忠肅
世號五忠劉氏祀鄉賢兩漢書無劉翽及五忠者惟
宋史有劉翽卒贈侯政歷大學
士謚忠顯于子羽為秦檜所羅卒提舉太平觀無謚于
羽子琪卒贈光祿大夫謚忠肅劉翽子孫領純皆不
載第劉翽世次及孫與劉翽志合前志云劉翽建州宋
史劉翽建州崇安人或翽官建州因劉家於此故宋史
作建州而前志相沿仍為建州人耳其記宋為漢不知
當日如何誤載故附記於此以俟考

魏

楊沛 賈遠傳沛字孔渠萬年人初平中為新鄭長太祖
輔政遷為長社令時曹洪賓客在縣界徵調不肯如法
沛殺之太祖以為能累遷九江東平樂安太守立有治

迹坐髡刑輸作未竟會太祖出征在譙聞邾下頗不奉
科禁乃發教選邾令當得嚴能如楊沛比故沛後徒出
起為邾令軍中豪石畏沛各遣告子弟使各自檢勅關
中破代張既領京兆尹沛前後宰歷城守不以私計介
意故身退之後家無餘積

賈洪 本傳洪字叔業京兆新豐人也好學有才精春秋
左傳建安初任郡舉計掾應州辟時州中自參軍事以
下面餘人唯洪與馮翊嚴苞交通材學家高洪歷守三
縣令所在輒開除廐舍親授諸生後馬超反超劫洪將
詣華陰使作露布洪不獲已為作之司隸鍾繇在東識

卷十

四

其文曰此賈洪作也及超破走太祖召洪署軍謀掾猶
以其前為超作露布文故不即叙晚乃出為陰泉長延
康中轉白馬王相當師宗之數歲病亡時年五十餘
時人為之恨仕不至二千石

魏

寇讚 本傳讚字奉國上谷人因難徙馮翊萬年父倫之
字延期符堅東萊太守讚少以清素知名身長八尺姿
容儼寢非禮不動符堅僕射常華州里高遠雖年時有
異恒以風味相待華為馮翊太守召為功曹後除襄邑
令姚鴻滅秦雍人千有餘家推讚為正歸順拜綏遠將

軍魏郡太守其後秦雍之民來奔河南滎陽河內者戶至萬數拜讚安遠將軍南雍州刺史軹縣侯復於洛陽立雍州之郡縣以撫之由是流民襁負自遠而至于三倍於前賜讚爵河南公加安南將軍領護南蠻校尉仍刺史分洛豫二州之僑郡以益之雖位高爵重而接待不倦在州十七年甚獲公私之譽年老表求致仕真君九年卒年八十六遺令薄葬歛以時服世祖悼惜之謚曰宣穆子元寶襲爵為豫州別駕興安元年卒贈安南將軍豫州刺史子祖襲爵高祖時為安南將軍東徐州刺史卒子靈孫襲緒陽太守

表廿

五

寇臻字仙勝長兄元寶襲父爵兄虎皮有才器本縣令臻年十二遭父憂居喪以孝稱輕財好士顯祖末為中川太守時馮熙為洛州刺史政號貪虐仙勝微能附之甚得其意轉宏農太守後以母老屢求解任久乃從之高祖初母憂未闋以恒農大盜張頰等賊害良善徵為都將與荊州刺史公孫初頭等追擢之拜振武將軍廷陽鎮將有威惠之稱遷建威將軍郢州刺史及高祖南還郢州地為王畿除宏農太守子祖訓順陽太守寇治字祖禮祖訓弟也自洛陽令稍遷鎮遠將軍荊州刺史代下之後蠻民以刺史郡道元峻刻請治為刺史朝

議以為邊民宜悅乃以治代道元進號征虜將軍坐遣戍兵送道元免官治兄弟並孝友敦穆白首同居又凶雖久而猶於平生所處堂宇備設帷帳几杖以時節制堂列拜岳淚陳薦若宗廟然吉凶之事必先啟告遠出行反亦如之治世宗末遷前將軍河州刺史在任數年遇郗鐵忽反又為城民詣都列其貪狀十六條會赦免久之無廷尉卿又兼尚書畏避勢家承顏候色不能有所執據尋遷金紫光祿大夫是時蠻反於三鷗治為都督討戰沒贈持節都督雍華岐三州諸軍事衛大將軍七兵尚書雍州刺史昌平男

表廿

六

寇肱之字長明治長子自直後奉朝請再遷鎮遠將軍諫議大夫仍直後建武中出除冠軍將軍東荊州刺史無尚書為荊郢行臺代遷除征虜將軍中襲爵又為東荊州刺史永熙中鎮東將軍金紫光祿大夫武定四年卒年五十八寇儁字祖儁祖禮弟性廉恕不以財利為心以選為魏文帝挽郎除奉朝請大業賊起燕趙擾亂儁參護軍事東討以功授員外散騎侍郎累遷司空府主簿永安初華州人史底與司徒楊椿訟田長史以椿勢貴皆言椿直欲以田給椿儁曰史底窮人楊公橫奪其地若欲損不

是以給有餘未敢聞命遂以地還史底孝莊帝後知之
嘉儁守正不撓拜司馬二年出為梁州刺史梁將曹瑛
之鎮魏興繼日板築屢擾疆場邊人患之儁遣長史杜
林道攻克其城並擒瑛之梁人懼焉屬魏室多故州又
僻遠梁人知無外援遂大兵頓魏興志圖攻取儁撫厲
將士人思効命梁人知其得衆心也弗之敢逼大統三
年東魏授儁洛州刺史儁因此乃謀歸關五年將家及
親屬四百口入關拜秘書監加鎮東將軍封安西縣男
十七年加散騎常侍遂稱篤疾不復朝覲武成元年進
驃騎大將軍開府儀同三司明帝尚儒重德數加恩賜

卷七

七

思與相見儁不得已乃入朝帝與同席而坐顧訪洛陽
故事儁身長八尺鬚髮皓然容止端詳音韻清朗帝與
之談論不覺屢為之前膝及儁辭還帝親執其手曰公
年德俱尊朕所欽尚乞言之事所望於公宜數相見以
慰虛想以御輿今於帝前乘出顧謂左右曰如此事唯
積善者可以致之何止見重於今亦將傳之萬古時人
咸以為榮卒年八十二謚曰元子奉位至儀同大將軍
順陽郡守洵州刺史昌國縣公奉弟顯位至儀同大將
軍掌朝布憲為典祀下大夫小納言濮澤郡公

隋

虞慶則 本德慶則京兆櫛陽人本姓魚父祥周靈武太
守慶則雄毅倜儻身長八尺有膽略善解卑語初以弋
獵為事後折節讀書慕傅介子班仲升為人仕周釋褐
中外府行參軍稍遷外兵參軍事襲爵沁源縣公宣政
元年授儀同大將軍除并州總管長史二年授開府時
高祖討平稽胡請文武幹畧者鎮遏之拜慶則石州總
管甚有威惠稽胡慕義而歸者八千餘戶開皇元年進
位大將軍封彭城郡公尋遷尚書右僕射後突厥主攝
圖特強初欲抗禮慶則責以往事攝圖不服其介長孫
晟又說諭之攝圖及弟葉護皆拜受詔因稱臣朝貢
請永為藩附上以慶則勳高授上柱國封魯國公食任
城縣千戶後以討嶺南李順為什柱所諧死子孝仁拜
儀同煬帝嗣位授侯衛長史九年伐遼授都水丞弟澄
道東宮通事舍人今祀鄉賢

卷七

八

唐
張儉 本傳儉字師約京兆新豐人高祖從外孫也祖威
隋相州刺史皖城郡公父植車騎將軍連城縣公高祖
起以功除右衛郎將遷朔州刺史時頡利可汗方強每
有求於兩遣書報稱詔勅邊吏奉承不敢却儉獨拒不

受大教民營田歲收穀數十萬斛州以完安李靖既平突厥有私結部者窮歸于儉儉受而安輯之其在磧北者新戚私相過省儉不禁示羈縻而已儉徙勝州後將不察其然遽奏私結叛朝廷議進討時儉以母喪奪服為使者撫納之儉單騎入其部召酋帥慰諭推腹心咸旬旬歸命因舉徙代州遂檢校代州都督儉勤墾田力耕歲數稔私蓄富實儉恐虜易驕乃建平糴之法入之官虜悅遷營州都督兼護東夷校尉太宗將征遼東拜行軍總管使領諸蕃騎為六軍前鋒趨建安城破賊斬數千級累封皖城郡公永徽初卒謚曰密兄大師太僕

卷七

九

卿華州刺史武功縣男弟延師左衛大將軍范陽郡公性謹畏典羽林兵三十年未嘗有過卒謚曰敬儉兄弟三人門皆立戟時號三戟張家

公孫武達 本傳武達京兆櫟陽人以豪俠稱為隋驍果兵興武達至長春宮上謁從秦王討劉武周苦戰功多累遷秦府右三軍驃騎封清水縣公貞觀初為肅州刺史突厥騎數千輜重萬餘入寇謀南趨土谷渾武達以精兵二千人與戰虜稍却復殊死鬪薄之張掖河潛命上流度兵虜已半濟乃兩岸夾擊斬溺略盡虜書勞之遷左監門將軍瑤州突厥叛詔武達趨靈州追及賊賊

方渡河乃據南涯陣武達擊之斬其帥可羅拔急進封東萊郡公終右武衛大將軍贈荊州都督陪葬昭陵謚曰壯

王孝傑 本傳孝傑京兆新豐人少以軍功進儀鳳中劉審禮討吐蕃孝傑以副總管戰大非川為虜執贊普見之曰貌類吾父故不死歸之武后時為右鷹揚衛將軍孝傑居虜中久悉其虛實長壽元年為武威道總管與阿史那忠節討吐蕃克龜茲于闐疏勒碎葉等城武后曰貞觀中西境在四鎮其後不善守棄之吐蕃今故土盡復孝傑功也乃遷左衛大將軍進夏官尚書同鳳閣

卷七

十

鸞臺三品清源縣男證聖初復為朔方道總管與吐蕃戰不利免會契丹李盡忠等叛有詔起白衣為清邊道總管將兵十八萬討之軍至東硤石谷與賊接道隘虜衆孝傑率銳兵先驅出谷整陣與賊戰而後軍總管蘇宏暉以其軍退援不至為虜所乘軍潰孝傑墮谷死士相蹂且盡初進軍平州白鼠盡入營頓伏皆謂鼠坎精胡象也白質歸命天亡之兆及戰乃孝傑覆焉時張說以管記還白狀后問之說具陳孝傑乃心國家敢深入以少當衆雖敗功可錄也乃贈夏官尚書耿國公以其子無擇為朝散大夫今祀忠義

張長遜 本傳長遜京兆櫟陽人精馳射在隋為里長以

平陳功擢上開府累遷五原郡通守遭亂耐突厥突厥

號為割利特勒義兵起以郡降即拜五原太守安化郡

公徙封范陽時梁師都薛舉請突厥兵南度河長遜矯

作詔與莫賀咄設以伐其謀會唐使亦至突厥兵不出

武德元年詔右武侯驃騎將軍高世靜聘始畢可汗至

豐州而始畢死詔留金幣不遣突厥怒引兵南至河長

遜遣世靜出塞勞之且若專致賄賜者虜引還授總管

改揚國公及討薛舉不待命輒引兵會賜錦袍金甲或

諧長遜居豐久恐與突厥為屬齒乃請入朝授右武侯

將軍徙息國公加賜官人絲千段屬有疾高祖親問之

後嘗率巴蜀兵擊王世充以長遜檢校益州行臺左

僕射歷遂寧二總管政以惠稱貞觀十一年卒

金

馮辰 省志辰字駕之貞祐三年進士事績無考然金史

本傳載其九歲知作詩蓋當時知名士也

元

李邦瑞 本傳邦瑞字昌國幼嗜學讀書通大義木華黎

下諸城堡率眾來歸受旨使宋宋遣賊者來迎邦瑞叱

出之宋改命行人乃如約而還太宗慰勞賜車騎因奏

兵戈之際宗族離散乞歸尋訪帝諭馳驛南京尋訪親

戚或以隸諸部者悉歸之後從諸王濶出經畧河南凡

所歷州郡四十城繪圖以進授金符宣差軍諸使卒

趙公諒 前志公諒字允升櫟陽人至治癸亥領鄉書奉

文甲子擢進士第初筮寧州判官調三原縣尹遷吏部

主事改太常博士拜監察御史轉戶部員外郎遷左司

都事除御史臺都事俄拜吏部侍郎遷右司郎中進工

部尚書充金使提調以直道不諧於時退還故鄉建三

原龍橋樓櫟陽鄉學有歐陽圭齋記子耕廣東金事

明

呂震 本傳震字克聲洪武十九年以鄉舉入太學時命

太學生出稽郡邑壤地以均貢賦震承檄之兩浙還奏

稱旨擢山東按察司試僉事入為戶部主事遷北平按

察司僉事無兵起震降於成祖命侍世子居守永樂初

遷真定知府入為大理寺少卿三年遷刑部尚書六年

改禮部皇太子監國震攝主事張鶴朝忝失儀太子以

震故宥之帝聞之怒下震及妻沒錦衣衛獄已復職仁

宗即位命無太子少師尋進太子太保兼禮部尚書宣

德元年四月卒 今祀鄉賢

安郁 前志郁字從周正統中以吏掾作浦江典史邑大

旱郁齋戒額天作柴樓於紫極觀誓不雨將自焚至期果大雨民謠曰安從周積新樓感天雨民有秋甚無衣今有裘即遷蒲江縣知縣今祀鄉賢

高寅 前志寅永樂間進士居賈村里其先世當三季為中統領有功子姓多顯者長蘆運司廷璋起家文安令遷濟南司馬收泰山香稅錢浮往額八百餘金不以充私索晚好讀書是不履公庭人咸謂高氏世守家法故廷璋以清恭顯於官寅由行人歷遷四川布政使必有可稱述者而行事不傳不能無慨於家乘之失載也

樊英 前志英景泰間進士以御史出泰山右藩政其行事亦不傳惟所撰詩文其版刻猶有存者所著有布政分司記家為切要其有名當時不虛也

李嶠 前志嶠字世瞻幼嗜學雖極寒暑無間日由成化進士守廬州清慎自持不然官燭興學築堤鋤抑強暴人咸德之歲大侵親歷所屬詢民瘠若先出庫藏錢帛令自易粟及春粟價日增乃發倉所儲粟量口給賑全活甚眾巢縣大河水急多溺死因作浮橋於上往來者稱便焉公性淡薄一書案衣八年始易轉河陰左參政去之日民遮道泣送者以萬計家貧無屋都御史某遺以木却不受卒後淑人郝氏至不能舉火中臣未聞所

司月給養終其身今祀鄉賢

楊榜 省志榜字子喬宏治間舉人據把縣知縣剛明任時宦官需索無虛日聞榜風力相戒無敢干者有夫始夜出為人所殺榜曰此必同舍所謀擒治之果得其情時流賊猖獗榜濟隍引汴水為阻多設戰守具賊覘知遂不敢入遷汝州知州儲粟萬石以賑饑集屬邑俊秀授以經學士風丕變尋倖大名額糧歲有餘羨榜悉貯之庫又倖松江歲有織造餘銀數萬榜悉給機戶無所取陞長蘆運同卒

楊樞 省志樞字子極榜弟以宏治舉人授夏縣知縣擢御史巡西城法令嚴肅盜為潛遁後陞四川僉事平蒸

江賊盜有功 賀有年 省志有年字天錫宏治舉人通判鄖陽府清盜

平穰修學均賦尋補廣平境內多盜憲司嚴檄督捕他邑多誣陷有年開釋無辜百姓恃以不枉既而同知兗州府疏諸泉源隄防運河漕輓以濟

楊淳 省志淳字重夫先世出華陽縣明興徙臨潼淳登正德進士授御史時宦官劉瑾索求科道瑕疵通決大辟眾皆推避淳請行瑾惡其不附已改工部屯田司主事卒未差荊州抽分請託不行後陞員外郎管庫基

廠差遼東查盤軍器甲戌陞都水司郎中奉勅管理
通州南旺河道時中官方橫舳艦往來陵輟州司需索
無算有號二劉者勅使西域取佛其艘所費萬計沿河
州司懼不敢支溥移檄擒治其黨衆歛迹而去陞寶慶
知府南楚風淳俗又尚見溥首興學校以勸生徒擒妖
巫毀淫祠浮風丕變調知鄖陽陞山西副使四川參政
次年卅本省按察使陞右轄尋陞左轄溥在蜀威茂諸
邊將常因蕃夷入寇多殺無辜以邀賞資溥諭以禍福
勸戒切至諸將感悟平生清慎自勵慕趙清獻之為人
遺榮養素居室蕭然高陵呂文簡誌其墓今祀鄉賢

卷七

十五

師桂 省志桂字近溪嘉靖舉人任青州守治礦盜決梗
獄人服其威明時倭寇犯浙撤令監司守令部六郡良
家子往禦之桂毅然請行親履行間矢石弗避總督胡
梅林疏薦其才遷守大同奏豪宗不法者九人咸真於
理其歲祿匱乏者以時給之一時豪橫畏且愛焉
任璜 省志璜字伯玉嘉靖間進士授成都府推官監守
倉糧時月俸皆倍支往往為倉曹累致鬻子女以償至
有死於官者璜釐其弊出納一如其數倉曹德之為畫
像祀焉有松潘指揮坐監守盜應抵罪或為乞貸許賂
以金璜竟寘之法時常路要功者請加兵瀘叙等衛璜

按其迹寔未叛乃力請罷師後徵苗兵恪邊無不奉命
造業者遂被劾去璜得復權任給事中以母老乞歸養
卒兄珮字鳴玉達州學正有經濟才

馮朝用 前志朝用字汝楫號樂山幼穎異好學嘗遊三
原馬谿田先生之門以聖賢自期許性最孝母病顛大
願以身代嘗嘗糞驗疾重輕為人所難初任屯留教諭
學規嚴整士人德之令昌邑廉平多惠政及謝歸囊無
餘資賦詩曰謝政歸來四壁空仰天長嘯倚門東悠悠
終日無他計病眼閒將經史窮其雅尚如此

李三才 本傳三才字道甫世居任村里以祖入衛燕京

卷七

七

遂僑寓通州萬歷二年成進士授戶部主事歷郎中與
南樂魏允貞長垣李化龍以經濟相期許及允貞言事
忤執政抗疏直之請東昌推官再遷南京禮部郎中遷
山東僉事兩督山西山東學政擢南京通政參議召為
大理少卿二十七年以右僉都御史總督漕運時礦稅
使四出所部權稅則徐州陳增儀直暨祿鹽課則揚州
魯保蘆政則沿江邢隆所至若捕叛亡公行獲赦而增
尤甚三才以氣凌之裁抑其爪牙增為奪氣三才再疏
陳礦稅之害帝皆置不省三才揮霍有大畧在淮年久
以折稅監得民心及淮徐歲浸又請賑恤蠲馬價進人

深德之屢加至戶部尚書會同閣缺人建議謂不當專
用詞臣宜與外僚恭用由是忌者日衆工部郎中郎輔
忠遂劾三才貪偽橫四大罪御史徐兆魁繼之三才
四疏力辨且乞休帝皆不省遂自引去四十二年御史
劉光復劾其盜皇木營私第三才益憤請帝親鞫乃詔
給事中吳亮嗣往無所得竟如光復言落職天啓三年
起南京戶部尚書未至卒後魏忠賢亂改其黨御史追
劾之詔削籍奪封詔崇禎初復官

武之望 省志之望字叔卿萬歷間進士宰霍邱江都皆
有能名擢吏部尋主父選直忤當路改兵曹歸里閉門

卷七

十七

講學遠近爭師事之後修兵海蓋調永平臺頭營缺餉
兵謀城下僉議縣別貯給之之望持不可曰萬一
他常效尤又何以應自臨城以溫言慰散游歷諸鄉晉
大中丞巡撫登萊劾總兵毛文龍之驕存僉撫可裁一
疏以少司馬總督陝西三邊軍務士卒缺餉謀作亂乃
廉治其魁一軍肅然未幾卒於官生平正色立執不為
朋黨遇事獨斷曾不依違兩可子二人獻哲天啓進士
歷四川副使迪哲辛酉舉人皆賢達有父風今祀鄉賢
趙光裕 前志光裕字一德恬淡寡營以孝廉作長垣學
博遷屯留令因母老不能迎養未逾年致仕後倅至

知曹州甫六月仍乞休歸囊橐蕭然鑿一區於石梁寺
谷中題曰考槃相其一中一僕一蹇見者不知為仕宦
中人也子昌運丁未進士筮仕銅梁調榆次行取科道
入都得精膳主政時觸逆璫坐東林黨同馮恭定從吾
削奪所著有松軒集里人共稱德行文章父子濟美云
朱輔 前志輔字良佐由太學生判隰州督理糧餉蠶宅
不染教民興水利歲收稻萬餘斛有溫湯地州及局縣
分耕之州民多頑犄抗賦闢催科者輒持兵相向輔至
諭以大義自是輸將恐後及歸吏民遮留滿道

卷七

十八

趙統 前志統字伯一博學好古於書無所不窺以進士
令臨汾濼蒲州守人為戶部郎而在舉職性慤直頗以
刻覈著中惡語罷歸嚴生某誣以殺人太守某與統有
隙隙隙遂繫連二十五年家貲悉散蓋其冤也後遇右
轄馮公白其枉始釋歸時年七十五矣垂老手不釋卷
所著有驪山集十二卷行世其幼子方十歲在獄隨侍
統聞柝聲吟曰城上木魚敲夜月即應聲對曰簷前鐵
馬戰秋風蓋神童也早卒曾孫昌期舉人知上蔡縣修
顯道書院刻上蔡語錄
周道直 省志道直字泰宇萬歷舉人筮仕葉城河水為
患築堤二百餘丈民賴寧居蓋行戶裁冗役以阜民便

俗為務糧戶曹推稅濬陽裁船課一萬二千金以蘇河
因歸來携磁器數種而已後守閬郡值渝州寇變三川
震動道直親提一旅扼梁山之險以障全楚又義激石
柱土兵解成都圍方叙功耐庸引疾歸後遷川北道副
使壽八十終今祀鄉賢

張國祥 前志國祥字伯善號居白萬歷進士授行人考
選禮垣奉使賜一品服轉諫院與揚左諸君子同心持
正以傾否致泰為己任號鐵擔每諫草出天下傳誦想
空丰米居平濟心理學以聖賢自期許卒年四十五所
著有梧垣奏稿行世馮從吾以理學名儒表其墓曹子

卷七

九

忤撰誌銘稱其德崇業廣幾於萬物一體二公不輕許
可於居白獨兩相欽重若此蓋紀其實也姪志尹壬辰
進士廣東道御史巡益兩浙正誼戊戌進士棲霞令子
泗源丁未進士高平令皆能世其家學一時登仕籍稱
盛云

劉懋 省志懋字養衷萬歷進士仕項城寧陵新安今多
遺愛擢給事中諫止內操奏舉馮恭定為關學正宗當
柄用劾逆璫魏忠賢於穢熖燻天之日力救揚左諸君
于中外昨古懋恬然不顧坐削籍崇禎初韓城閭可陞
為給諫奏曰逆璫魏忠賢天下皆建生祠惟臣鄉陝西

無祠豈非馮從吾廉耻之教乎其薦從吾之劉懋宜

優擢疏入詔懋復原官召對平臺稱旨改兵垣主驛遊

時驛務繁懋剴切言之上方擬大用尋病卒紀事本末

早延綏巡撫楊鶴勤王餉匱而詳其請卒命山谷間

倡飢民為亂又以給事中劉懋請定驛站使乘傳有額

無濫用驛官錢調蘇民力也向遊手藉食驛橋用是益

無賴遂調李自成揭竿由此當時郵政破壞已極間員

白牌行馬至七十餘匹索借馬價不如意輒鞭笞驛卒

身無完膚砂馬背拋馬脇擲馬疾走到即割馬耳尾回

矣徐州道唐煥弟殿死益都縣金嶺鎮驛丞黃道其

婦叶聞都下公劉切直陳於諫職庶稱不愧自成之亂

定由政壞民窮而起使公言得行當路者由此推彼一

切故政盡行革除乃撥亂反正之一大機會也碩或以

此谷公何與公有諫草一卷至今生氣凛然因未受廷

杖故紀事編年臚筆諸史皆附揚左之列未大著其事

又訛懋為茂幾湮沒弗彰余故擇其諫疏尤表著者詳

載藝文俾後之覽者得識其忠耿馬今祀鄉賢

卷七

十

賈師達 前志師達字希賢萬歷舉人為平原令勤敏剛
斷陞知趙州益乃心民瘼興利除弊孜孜然惟日不足
遷官趙人詣闕請留乃復守趙晉郎署陞滇南叅政平
吐蕃有功滇民立祠祀之

任中麟 前志中麟字孔書弟中鳳字鶴伯父一元性慈

好施崇禎間屢蠲粟濟貧乏全活甚眾中麟甲戌進士

初授黃縣令有能聲累官山東學政中鳳先其兄成進

士授鄆陵令歷官雲南按察司決獄平入逆闖變後年

皆強仕杜門謝公卿角巾野服遊林下且四十年風節

矯然今祀志義

武大烈 本傳大烈字海寧舉天啟七年鄉試崇禎中授

永寧知縣奸人倚萬安郡王恣不法大烈痛懲之十三

年十二月李自成陷宜陽遂攻永寧大烈極力捍禦有

獄囚勾賊入都司馬有義棄城走大烈固守三日賊夜

半登城執大烈自成一以同鄉欲活之大烈不屈索印又

不予乃燔灼以死永人立忠烈祠祀之大烈遇害時姪

之以今箭夜送出營賊退扶大烈柩歸葬潛心圖學圖

孫守法 省志守法字繩武家風王谷口多智謀膂力絕

人時流寇猖獗守法仗劍入伍為制府洪承疇健卒每

出輒當先宜君之戰以單騎擒賊首點燈子不粘泥授

卷七

主

守備與閩王高迎祥戰長武迎祥敗棄馬入溝中守法

亦棄馬逐之迎祥故壯悍多力守法與之手搏卒生擒

以歸餘賊氣奪授參將轉陞護藩練營副總兵高傑號

翻山鷄雄勇有才略為賊羅汝才副將守法知其可用

單騎入其壘諭降之傑感恩誓以死報李自成借號西

京守法獨不屈遁入山中康乃心傳守法鎮長安歸葬

其父偕里中父老浴溫泉解其衣遍體創痍無完膚人

為守法泣守法意落落也用兵如神尤能識拔將才廣

西提督吉公孫畧副總兵孫公麟皆守法薦見湖廣提

督胡儉子瓊州總兵高進庫皆守法麾下將其他千

百夫長以功名起者蓋不可勝紀守法性至孝習與儒

者遊友誼家篤其臨陣猛如虎兇人望見者以其面黑

稱曰孫龜君云

楊廉 省志廉少負膽氣沈默寡言崇禎十一年由行伍

任漢中守備與賊戰於漁渡壩死之

本朝

王孫蔚 省志孫蔚字茂衍與叔元衡元士同登順治壬

辰進士由刑曹歷官湖廣按察福建布政以公事左遷

備兵川東視學楚省未幾歿於任孫蔚少有神童譽弱

冠鄉舉第二在刑曹都下有王銘錢穀茂衍刑名之稱

卷七

壬

王銘者王大司農宏祚也任楚臬時值軍興羽書旁午

臺府倚重一時縮五篆手握朱墨二筆判事如風雨諸

司掾持案咨進公善聽之頃刻決忠中機宜尤好苦

吟婉麗自成一派著有韜香集長兄孫盛仲兄孫麟皆

舉人子天龍舉北關早世著有綠竹亭詩人有洗馬昌

谷之憾云

周燦 省志燦字旭公父祚永從學馮從吾由鄉薦令宿

遷有善政燦崇禎壬午舉人

國初授寧遠教諭順治間回賊亂河西偽檄至燦率諸生立

碎之諭衆堅守賊不敢犯以薦擢漳漳知縣燦抵任遍

諭流民勸以復業有至者為經營屋舍散給牛種修青龍白馬二堰農業大興復設塘汛緝奸究建壇壝禮師儒次第施設條理井井十一年陞雷州府同知雷孤城瀕海為瓊南要路寇王之翰等盤據西海十餘年燦請於臺司以招撫自任乃直抵賊巢諭諸賊以順逆利害賊皆羅拜聽命遂招降之督撫特疏獎薦十五年擢守鳳陽尋卒所著有丹垠文集

周燦 省志燦字星公燦弟順治乙亥進士由翰林改授刑曹矜全甚衆奉使安南宣布

天朝德意封祭悉協典制及還記其山川風俗以獻出守南康

卷七

五

設救生船以拯覆溺修白鹿洞書院聚徒講學多所成就督學巴蜀甄拔孤寒一時賞識皆知名士獲雋者尤衆又奏請土司子弟亦令照例入學所著有願學堂集祖道直父祚永及燦俱祀鄉賢

周之桂 省志之桂字鸞飛崇禎進士順治初授秀水令多善政行取諫垣敷陳剴切如請蠲直省宿逋及簡學臣內陞皆見採用陟督捕疏請熱審減等照刑部窩逃例移順天府發配又隱匿旗人初有連坐例奸民率挾私妄訐之桂奏請行郡縣查覆以杜誣枉省釋無算歷官通政使乞歸

劉曾 省志曾字魯如父秉僑遠易學有學易寤言八卷

曾生而穎異弱冠即從李顯誨學康熙乙未成進士授淑浦知縣淑浦山深地僻糧役不均曾履畝親丈舉廢以實風弊一清事竣湖南撫臣下其冊於所屬俾為式三載擢吏部主事遷員外有墨吏以千金為壽曾笑曰劉曾豈受暮夜金者耶正色却之再遷郎中補貴陽知府黔地多苗狎家尤稱獷悍時竊出行劫黔民亦時誘其幼弱者鬻於鄰境曾為捕奸民略販者得數十人正其罪所得苗子女悉還之有不知所自者令郡民無子女者撫之苗狎聞而感泣不復行劫郡倉歲贏米百石曾令別貯一倉春秋時有耕獲不給者補助之郡大治會考宸得

卷七

五

俞旨

賜蟒服旌勞擢雲南驛道尋陞按察使五十六年致仕歸尚殿魁字陶慶康熙癸卯舉人任徽縣教諭時吳逆倡亂肇昌等處州縣率多迎附殿魁獨避居三岔崖聞勇略將軍趙良棟兵至殿魁夜奔大營為賊候騎所得勸以事吳殿魁恐羈防倖應之乘間突出趙將軍以不受偽職即授縣令俾贊軍務賊平以衰老辭歸終於家子居易康熙丙戌會元未仕卒

王旒字辰幟康熙癸未進士孫蔚從子任貴溪知縣居心仁愛務在與民休息時江右逋賦甚多旒設法催科不事鞭扑爭輸恐後行取為吏部主事卒於途孺人李氏年二十八歲二子皆在襁褓貧不能還憲司憐之為助資奔始扶柩歸貴人感戴不忘額請入祀名宦

任璠字魯玉學宗實踐困頓諸生中垂三十年後以明經授安塞司訓塞固邊鄙俗尚推魯璠多方訓誨士習丕變人比之胡安定曹月川兩先生焉卒年八十門人孔繼洙為撰墓誌

任風厚字仲禮由拔貢除淮安府通判遷嚴州府知府有政聲嚴州人感其德為立生祠尋陞福建糧道晉黔臬轉湖北布政司卒於官

賜祭葬楚省祀名宦祠于又布貢生早卒次子又愷亦貢生任江南常州通判

孝義
田真田慶田廣三田里人父母臨終指庭前紫荆曰此樹枯爾曹異居一人聽婦言私蓄樹即枯其人悔兄弟相樹而哭荆復茂吳均續齊諧紀真京兆人兄弟三人共議分財皆皆平均惟堂前一株紫荆樹共議欲破三

片明日就截之其樹即枯死真大驚謂諸弟曰樹本同

株聞將分斫是以顛顛是人不知木也因悲不自勝不復解樹樹應聲榮茂兄弟相感合財寶遂為孝門真仕至大中大夫舊志及續文獻皆作隋人今考吳均續齊諧紀即載此事而晉陸機詩亦云三荆歡同株則真必漢魏間人為隋者訛也今祀忠義

鮑出魏畧勇俠傳出字文才少遊俠與平中三輔大禠人相食出兄弟五人蜀母守舍相將行採蓬實為母作食噉人賊數十人掠其母以繩貫其手掌驅去出怒攘臂結衽追賊賊共布列待之出斫賊四五人賊走復合聚圍出出跳越圍斫之又殺十餘人賊連擊出不勝乃問出曰卿欲何得出指其母以示之賊解還出母比舍

姬遙望求哀出復斫賊賊謂出曰已還卿母何為不止出又指求哀姬是我嫂也賊復解還之出得母還遂相扶持容南陽建安五年北歸母不能步行以籠盛其母獨自負之到鄉里士大夫嘉其孝烈州郡辟召出出曰田民不堪冠帶青龍中母年百餘歲乃終出時年七十餘行喪如禮今祀忠義

董思龍册府元龜唐大歷七年京兆府上言思龍五代同居子孫凡八十餘人友愛敦睦鄉里稱之天寶末寇盜剽掠村閭此家獨全年遭水旱此家獨免至於征稅每先於人伏望旌表門閭編諸史册許之

任居敬 元史孝友傳事親篤孝天子嘗表其門閭

王之垣 陳繼儒孝子傳之垣字伯鎮幼而通敏父捐館

舍年方十歲袒而號有孝童之目十四推擇為弟子員

教授里中得精養母母病跣步不離母呵之出則潛

避戶外聲氣俱屏俟睡熟方去病劇嘗糞驗甘苦露禱

中庭請減年以益母算母歿哀毀骨立羸畢廬於墓左

之后土祠攀號乘樹悴而復榮三年廬如故萬歷元年

貢於鄉

張應佩世居蒼坡以懸壺為業父母相繼歿廬墓六年夜

有暴客呼曰張孝子君是好人我有財贈詰旦視之乃

卷七

綿布一束應佩曰於官不受長安馮少墟先生有孝子

傳

黃仲德天性篤孝親歿則廬於墓旁無懈志以臬司掾作

藤越吏日聞母喪七日不食幾絕比葬冬月號之行水

雪中廬墓三年負土積高如印事聞監司表其門給粟

帛優禮之

楊渭安業里人布政司泮之弟性孝慈好讀書年十二其

母病疫渭侍湯藥日夜不離側或懼其染渭曰母病而

子避之子病母肯避之耶後有傭者亦病疫渭為調藥

治之比愈乃遣還人以此高其孝義子東旭嘉靖丙午

舉人兵部司務

張國禎字蓋翼與弟國祚國裕從兄國祥誦實踐之學一

夕賊數十劫其父國禎即持梃赴之免父於厄人稱其

孝崇禎乙亥流賊薄城率族人避去夜深雨雪日不可

獨全吾家於是率僕人遍至隣家令急起避難黎明賊

突至率眾禦之手刃數賊相持至晚力疲被執不屈遂

遇害

宋儒周邑諸生父應鰲官食事李自成勒令輸餉儒周教

然以身代賊挾至平陽舉刀脅之儒周引頸受刃死晉

人作詩哀之

卷七

梁體坤字寧宇邑增廣生崇禎五年流賊縱掠其地令牽

馬體坤大罵曰我朝廷士子豈為賊驅使耶賊舉刀斷

其四肢遂被害 今祀忠義

王佩珂事親色養備至明末司鐸河南南邱歸里值李賊

肆橫預戒子孫潔身蹈義勿致玷污癸未冬賊入關中

堅卧不起水米不入口旬餘卒其子及孫賊迫脅以為

官皆遵訓守義不為賊屈

任一元邑諸生性仁慈好施于崇禎庚辰辛巳間歲饑出

粟拯救多所全活人比之陳堯佐葉夢得云

白昭遠字允哲監生同知吾志于崇禎癸未闖賊圍其堡

昭遠糾衆力守堡破大呼曰城破矣性命為輕節義為重婦女各宜入井其次女適韓嗣宗者遽入井死一時婦女死節者甚衆賊至恨之鋒刃亂下死今祀忠義

孔君貴事繼母盡孝數十年色養不衰歿而居廬哀毀不入內室者八年鄉里稱之

王耀邑諸生也出為伯後嗣父病禱天願以身代不解衣帶者數月當大事哀毀盡禮力學未遇而歿周憲副燦為誌墓妻米氏守節縣官旌其門

陳鉉宇會徵魁梧奇偉膂力過人年二十一遭流寇之變避居三岔堡城陷父遇害鉉憑尸號痛賊壯之欲留焉

卷七

手九

鉉奮力奪刀揮斬數十人負尸衝圍而走賊相視莫敢近者督撫欲授以叅戎鉉堅辭曰我父遺言我止汝一

子不可恃勇蹈危地今父雖死未塋誓不敢違命遂以農終其身孫瓊宇琬玉亦以孝聞

慕天保耿渡農民也父母歿葬村東止廬墓三年日頂土一斗拜擁墓上手樹柏為林鄉多健訟惟慕氏一家恂恂田畝間人亦愛敬之為樹碑墳頭表曰世孝流芳

任作儂字工若邑諸生讀書能教子嘗買一僮父子不忍別遂折其券而贈之往往好行其德如此以子風厚貴封按察使

任鏡諸生也父中鵝病焚香額天願以身代割股肉二寸授藥餌以進舊志曰按例生人不書惟一割為親耳故變例以告為人子者孫尚書丕揚曰割股非中道也不猶愈於為父母一毛不拔者乎鏡果能然余亦樂道之王文憲孝義里民父早世事母極孝母有疾默禱於天願以身代及母歿廬於墓側躬負土增壘時物不先薦不以入口終身無二有司以

賜奉

詔旌表

王賜印北田里民年十四失怙事繼母以孝聞父患痰疾

卷七

手

支離床褥湯藥親嘗衣不解帶者三年父歿哀毀滅性乾隆五年旌表

曹慶祥孝廉歲孫庠生振鐸于也歲任鳳翔教授卒於官鐸亦隨故貧不能歸塋慶祥時年數歲哀痛如成人稍

長百計求謀奉母扶兩視歸營塋畢日不舉火躬自担水博蠅頭以奉母母天年終棺殮無出曲身殯殮廬於墓側三年不改人皆稱為曹孝子云

上已正邑齊民與程名世相善招之同居親如骨肉尺布斗粟必與共內外相安從無詬誶語積三世如一日前縣丁公旌其門曰聖朝漢堦今俱絕嗣豈天不祐善人

與何其世不永也

流寓

李廣 廣與記廣屏居驪山之側夜從田家飲還至霸陵

尉醉呵止廣騎曰故李將軍尉曰今將軍尚不得夜行

况故乎止廣宿亭下

辛慶忌 漢書本傳慶忌字子真本狄道人徙昌陵少以

父任為石校丞隨長羅侯常惠屯田烏孫赤谷城與敵

侯戰陷陣却敵惠奏其功遷校尉還為謁者元帝初舉

茂才遷郎中車騎將軍張掖太守徙酒泉所在者名曰

奴西域敬其威信年老卒於官長子通護茂校尉中子

卷七

導函谷關都尉少子茂水衡都尉出為郡守皆有將帥

之風

班况 漢書叙傳况本扶風人舉孝廉為郎積功勞至上

河農都尉大司農奏課連歲入為左曹越騎校尉成帝

初女為倖仔致仕就第貳累千金徙昌陵後占數於長

安

魯恭 漢書本傳恭字仲康扶風平陵人與母及弟丕俱

居太學習魯詩士爭歸之太尉趙喜慕其志每歲時遣

子問以酒糧皆辭不受恭憐丕小欲先就其名託疾不

仕郡數以禮請謝不肯應母強遣之恭不得已而西因

留新豐教授建初初丕舉方正恭乃始為郡吏太尉趙

熹聞而辟之

馮豹 後漢書馮彬傳豹字仲文衍子杜陵人長好學以

詩書教驪山下鄉里為之語曰道德彬彬馮仲文舉孝

廉拜尚書郎

游明根 北史游雅傳明根字志遠雅從祖弟廣平任人

幼遭亂為櫟陽王氏奴主使牧羊明根以壺漿倩人書

乃告雅雅贖還

劉行 隋書本傳行本沛人起家武陵國常侍遇蕭修以

卷七

梁州北附遂與叔文璠同歸於周寓居京兆之新豐每

以諷讀為事

韓丕 宋史本傳丕字太簡華州鄭人幼孤貧有志操讀

書驪山通周易禮記太平興國三年舉進士聲名籍甚

嘗著孟母碑返魯頌人多諷誦之知河陽涿州丕起家

寒素以冲漠自處太宗甚嘉重之為翰林學士又出知

滁州卒丕純厚畏慎歷典州郡能以清介自持

隱逸

高翔鸞字冲虛邑諸生也讀書博學為文昌明高雅有重

纂邑志一卷亦詩古文辭好事者也其詳見周澹園太

史所立傳中

劉秉傷字子彥，諸生好讀書，晚精於易，所著有易經註

解，尤喜韻學，居恒平易，不以詞色加人，以子魯貴，贈史

部郎中

陳曰仁，字新伯，慕王文成公之為人，也。世業儒，為有明諸

生，天性朴茂，蒙喜人讀書，年八十餘，幅巾竹杖，與語周

知天寶遺事，前縣趙于京，敬而禮之，題其柱曰門中三

代文章士座上，先朝慶歷人，益欲民之，引年重老云爾

方技

劉白，歷代名畫記，白新豐人，工牛馬飛鳥，衆勢與毛延

卷七

三

壽等，齊名為永光，建詔中，畫手六人之一，以毛延壽圖

王嬙醜狀，昭帝窮其事，誅壽并及之

龍章，圖畫見聞志，章櫟陽人，工畫道人物，兼工傳寫，尤

善畫虎，曾有貨樂人楊生，檻中養一虎，章因就視寫之

故畫虎，窠臻形似，子淵有父風

方外

馮長驪，山人，周宣王時，為柱下史，觀天文之變，乃退隱，攝

生，遇鄧真人，授以靈書，復遇彭真人，遂得術，活人平王

三十年化去

王長，四川赤石城人，寓居龍遊宮，漢武帝好神仙，延入宮

對亦宮去長安百二十里，每脯必歸，後車駕至宮，真人

已尸解，遂賜名龍遊真人

谷春，櫟陽人，成帝時，為郎，忽死，而身不冷，其家治喪，行服

不敢下釘，三年更著冠幘，坐櫟陽縣門上，家人迎之，不

肯歸，啟棺，有衣無屍，留三宿去之，長安止橫門上，家人

追迎，復去之，太白山人，因為之立祠，山上時至，其祠中

止宿焉

薊子訓，後漢書本傳，不知何許人，人於長安東霸陵城

見其與一老翁共摩挲銅人，相謂曰：適見鑄此已五百

歲矣，其地即今銅人原也

卷七

三

智猛，新豐人，稟性端明，厲行清白，少襲法服，備業專至，聞

天竺國有釋伽遺跡，遂結同心沙門，十五人，誅跡長安

歷部善靈，茲于闐諸國，至華法國，阿育王舊都有大智

婆羅門名羅閱，見猛至，問秦地有大乘學否，猛答悉大

乘，學羅閱驚歎，猛得大泥洹梵本一部，又得僧祇律一

部及餘經梵本，以甲子歲發天竺，還涼州，出泥洹本得

二十卷，元嘉末卒於成都

李順興，唐書本傳，順興杜陵人，年十五，作愚，智言未

來，事多中，後周時，修道驪山，神堯傳禪，真人潛告符契

又嘗乙驪山下廢地，於周文問何用，曰：有用未及至，溫

湯遇患卒於其地

李荃號達觀子即受陰符經於驢山老母者

一行禪師姓張鉅鹿人本名遂早歲不羣讀書不再師事

普寂禪師盧鴻嘗謂寂當繼其遊學嘗至天台國清寺

見一院古松數十株門前有流水一行立於門屏間聞

一僧布算既而謂其徒曰今當有弟子求法已合到門

豈無人導達耶即除一算又曰門前水合却西流弟子

當至一行承其言而入盡授其術元宗召入內庭問以

何能對曰善記覽因取宮人籍示之周覽覆念精熟如

素習元宗降榻作禮呼為聖人恒占災福若指掌言多

卷七

五

補益邢和璞謂尹愔曰漢洛下剗造大衍歷云後八百

歲當差一日有聖人定之今年期畢矣而一行造大衍

歷正其差謬則洛下閎之言信矣一行幼貧隣有王姥

前後濟之約數十萬一行嘗恩報之會王姥兒犯殺人

獄未具姥詣一行求救一行命渾天寺中空一室徙大

甕於中寮選常住奴二人授以布囊謂某方某角有

廢園汝往潛伺從午至昏常有物入其數七可盡掩之

失一則杖汝如言而往至酉後果有羣豕至悉獲而歸

一行大善令置甕中覆以大蓋封以六一泥朱題梵字

數十其符莫測詰朝急召至便殿元宗迎問曰太史奏

昨夜北斗不見是何祥也師有以禳之乎一行曰如臣

曲見莫若大赦天下元宗從之其夕太史奏北斗一星

見凡七日而復帝嘗問國祚幾何有留難否一行曰鑿

與有萬里之行社稷終吉帝驚問其故不答退以小金

合進之曰至萬里即開帝一日發合視之蓋當歸少許

及祿山亂駕幸成都至萬里橋忽悟未幾果歸昭宗初

封吉王唐至昭宗而滅故終吉度後帝親制碑書於石

建壇銅人原諡曰大慧禪師

劉子顯開封人生有奇相甫數歲自牒於太清宮旁通醫

術活者不可勝數仁宗召赴闕時年已老鬚髮皆黑帝

卷七

五

曰偉哉賜號真大師恆紫衣勅授靈泉觀主至和元

年正月二十日忽沐浴更衣而出擊鐘集道眾曰公等

自愛我且歸矣遂逝後有客自蜀來者云今年正月二

十日逢一道士騎青驢自稱靈泉觀主劉子顯曰為我

寄語本觀道眾益信其為仙

侯奕元金大定時修真於三田里之三壇觀好危坐寡言

笑於尸解之前數日自繪修真圖作跏趺像下丹田至

頂分神光十道左右日月輪頂有圓象上湧元珠鑄之

於石其言曰混屯初開開元和易太初三宮分上下六

洞應沈浮梵炁通周匝元化遍有無乾坤為寶鼎天地